

1986 թ. հունվարին լրանալու էր Երևանի պետական համալսարանի դոցենտ, փ. գ. թ. Մալֆեդա Սուրենի Դանիելյանի 60 տարին: Գիտնականի համար դա հասուն, սթափ և կարող մտքի տարիք է: Տարիք, որ ստիպում է մարդուն հետադարձ մի հայացք նետել անցած ճանապարհին, հանրագումարի բերել արածն ու շարածը՝ գործը նոր եռանդով շարունակելու համար: Այդպես էլ կլինեի, եթե...

Մ. Ս. Դանիելյանը ծնվել է 1926 թ., Բրիլիսիում: Ընտանիքով Երևան տեղափոխվելուց հետո, 1943 թ. նա ընդունվում է Երևանի համալսարանի բանասիրական ֆակուլտետի ռուսական բաժինը, որն ավարտում է գերազանցությամբ: Սերը դեպի փիլիսոփայությունը նրան բերում է ՀՍՍՀ ԳԱ փիլիսոփայության և իրավունքի մասնաճյուղ, որտեղ նա ավարտում է ասպիրանտուրան, պաշտպանում թեկնածուական դիսերտացիա և երկար տարիներ աշխատում որպես ավագ գիտաշխատող: 1968 թվականից մինչև իր կյանքի վերջը Մ. Ս. Դանիելյանը Երևանի պետական համալսարանի դիալեկտիկական մատերիալիզմի և տրամաբանության ամբիոնի դոցենտ էր:

Մ. Ս. Դանիելյանի գրչին են պատկանում երեք մենագրություն և մի քանի տասնյակ գիտական հոդվածներ: Նրա մասնագիտական գործունեության բարձրակետը հանդիսացավ «Ընդհանուր սոցիոլոգիական տեսության իմացաբանական վերլուծությունը» մենագրությունը (1979), որտեղ նորագույն սոցիոլոգիական տեսությունների բանիմաց և մանրակրկիտ վերլուծությունը հետևողականորեն ծառայեցված է հեղինակի հիմնական նպատակին՝ ընդհանուր սոցիոլոգիական տեսության մեթոդի՝ մատերիալիստական դիալեկտիկայի հիմնավորմանն ու մշակմանը:

Իր կյանքի վերջին տարիներին, որոնք անքակտելիորեն կապված էին Երևանի պետական համալսարանի դիալեկտիկական մատերիալիզմի և տրամաբանության ամբիոնի հետ, Մ. Ս. Դանիելյանն առանձնահատուկ խանդավառությամբ ձեռնամուկս եղավ ամբիոնական ընդհանուր թեմայի՝ փաստարկման փիլիսոփայական պրոբլեմների մշակմանը: Ընթերցողին ստորև ներկայացվող հոդվածը, որն իր կենդանության օրոք

հեղինակը չհասցրեց հրատարակել, Մ. Ս. Դանիելյանի՝ այդ ուղղությամբ տարվող թեև անավարտ, սակայն ուշագրավ ուսումնասիրության հարաբերականորեն ամբողջական ամփոփումն է ներկայացնում:

Հեղինակը, հակադրվելով փաստարկման արդի արևմտյան տեսարաններին (Խ. Պերևյան և ուրիշներ), նշում է, որ ձևական և բովանդակային ապացուցումների տարբերակումը սկզբունքորեն հնարավոր չէ իրականացնել տրամաբանության շրջանակներում: Բովանդակային ապացուցումը (հիմնավորումը) իր անկատարությամբ չէ, որ տարբերվում է ձևայնացված հաշիվներից: Հիմնավորումը զուտ իմացաբանական ֆե-նոմեն չէ. այն պայմանավորված է բազմաթիվ սոցիալական, պատմա-մշակութային և արժեքային գործոններով: Փաստարկման վերաբերյալ յուրահատուկ հարցադրումը ծնվում է հիմնավորման պրոցեսի ձևայնացման անհնարինության գիտակցումից և նպատակ ունի քննության առնել գիտելիքը սուբյեկտիվ համոզմունքի վերածելու պարագաները: Սակայն նրա խնդիրը «ոչ այնքան համոզմունքների հիմնավորման և հաղորդման միջոցների և հնարների (կամ առավել վատթար՝ «տեխնիկայի») որոնումն է, որքան համոզմունքների, որպես հասարակական-իմացական երևույթի, համընդհանուր և անհրաժեշտ բնութագրերի ուսումնասիրու-թյունը» (էջ 117): Այսպիսով փաստարկման ընդհանուր տեսությունը ձևոր է բերում համափիլիսոփայական հնչելություն:

Սա է կոնցեպցիայի հիմնական ուղղվածությունը: Այն անպայման էթիկական է. չէ՞ որ «համոզմունքի պրոբլեմներն ուսումնասիրող փաստարկման տեսությունը լեցուն է խորունկ և վառ արտահայտված սոցիալական իմաստով»:

Հասկանալի է, որ ոչ բոլորը կհամաձայնեն անվերապահորեն հոդվածում զարգացվող դրույթների հետ: Աշխատանքն ինքն է փաստարկելու իր օգտին: Մի բան անկասկած է՝ ճշմարտության և համոզմունքի դիալեկտիկական խսկապես կազմում է փաստարկման տեսության կորիզը, և այդ պրոբլեմի՝ ճանաչված մասնագետի կողմից վարպետորեն իրականացված քննարկումը, որը միևնույն ժամանակ հեղինակի «կարապի երզը» դարձավ, հետաքրքրական և ուսանելի է բոլորի համար:

Քանի որ հեղինակը հոդվածը գրել է ռուսերեն լեզվով և քանի որ հնարավոր չէ հայերեն թարգմանությունը համաձայնեցնել հեղինակի հետ, ապա նպատակահարմար է տեքստը ընթերցողին ներկայացնել ռուսերենով:

Հոդվածը հրատարակության է նախապատրաստել Երևանի պետական համալսարանի դիալեկտիկական մատերիալիզմի և տրամաբանության սմբիոնի ավագ դասախոս Կ. Գ. Թ. Ա. Վ. Ոսկանյանը: